


道咸同光四朝詩史甲集

陳衍署檢

PL
2306
.S8
v.4



Digitized by the Internet Archive
in 2009 with funding from
Ontario Council of University Libraries



YORK UNIVERSITY

MAY 15 2001

EAST ASIAN STUDIES

徐 邠字頌閣江蘇嘉定人同治壬戌狀元官至協辦

大學士 賜諡文愼

奉和寶佩蘅相國見贈之作并次原韻



朝回黃閣漏聲微十幅吳箋燦錦璣撚斷吟髭詩律細寫
從矮几墨花飛晴秋如畫明金闕古調高彈譜玉徽調鼎
餘閒欣得句相公退食詔書稀

南苑絕句 四首

勝朝講武禁軍屯中使傳宣詔勅尊十萬兵權歸掌握至
今猶說兩衙門

宮門初啟御香飄旭日曠曠侍早朝絕似江鄉好風景綠
陰深處有紅橋

旌旗五色隊千行南苑秋高露已霜明日羽林親校獵行

厨風味數黃羊

宮漏沈沈靜玉珂珠源勝景說團河
詞臣朝罷渾無事賭酒敲棋樂趣多

吳重熹字仲怡山東海豐人同治壬戌舉人官河南巡撫有石蓮庵詩稿

丁酉除夕感時書事

海外扶桑拂日青垂陰接葉長東溟飛黃不起臺灣島昆
莫難聯北幕庭講信僅能歸衛地乞師空說哭秦廷從今
慾壑成無底括盡金繒債不停

浪談鐵馬與金戈炮火叢中奈敵何釁起句驪緣本細戰
思越雉算遺多樓船從此無楊僕椎髻誰人折尉佗重到
新亭應涕下不堪日對舊山河

耿耿虎視起羣邊籌策無方失國權誑楚商於原六里窺
臣鄰女已三年九州鼎重非當問一著棋輸讓占先不及
和元南宋日瑩中猶飾福華編

時有廖令陳事

吹求疵垢扣嚴闕萬里膠萊任往還甌脫不如黃歇浦權
場開到鹿門山齊疆東畝車行利佳境通微楔允頒幸免
李綱成廢棄陳東袖疏一開顏

天險岷江接海長相連七澤與三湘酣歌坐我沈舟裏鼾
睡容人卧榻旁鷓鴣幾家矜戰伐犧牲二境困輸將中原
今古開奇局直欲乘雲問帝閭

通州三謁潘文勤師祠

連番督漕近 神京一拜崇祠一淚傾四壁 賜題雲五
色卅年待漏月三更霜風蔀屋災民感秋水蘋花弟子誠
雞酒何時菱白蕩彭宣猶是老門生

俞曲園先生見過

靈光夙仰殿巍峩杖履今朝喜見過地入娜嬛瞻學富春

歸林壑得天多玉堂祖父傳台鼎錦祿曾孫備印戈好繼
常州成盛事西湖又聽鹿鳴歌

題費耕亭先生篝燈課讀第二圖爲杞懷太史賦

禁煙風雨淒白楊久離邱壟思故鄉白雲何處有親舍起
讀畫卷心悲傷武進先生嘉道際文章正始官循良人在
蓬萊峰第一擇鄰有教心難忘作圖王君記文毅前賢幾
輩垂琳琅父書祖硯逮三世續圖後卷輝金閭古來聖哲
多慈訓禾中錢母名尤揚夜紡授經傳畫燈文端奏進邀
正天章時距周甲事繼美後先名跡同流芳我守兩河十
八載先生遺澤留汝旁至今萬戶青熒夜攻苦一燈無盡
慈恩長

恩菽棠方伯達幼文徐叔鴻沈靄蒼郭月樓四觀察

同聚予秦淮寄寓靄蒼成詩索和

秦淮水凍冰皚皚銷寒置酒陳金罍簪裾之盍古有慶衙
鼓罷響傳箋催金陵勝朝最繁豔牙牌爭挂歌樓隈自從
五侯列第宅輕煙淡粉靈池灰揚州貴人例閉置輿中新
婦顏難開擊獐馳馬那得預燼盡數尺高成堆西園偶然
作雅集擲錦各欲搜瓊瑰僉稱此會已云樂酒戶分倒紅
螺杯今年六龍愴西幸咨嗟地轉悲天迴麻鞋霜雪飭
奔走拾遺涕淚心同摧返棹江南暫萍寄難得舊雨鳴珂
來新亭不免晉人泣野老時聞江頭哀近者歛書馳絡繹
哀痛詔旨傳風雷乾坤整頓賴羣策聞雞志節捫蝨才
杞梓梗柎各異用輪囷枝幹出培栽羽毛齒革本自有胡
借異地方呈材鏟濠收闕在春莫櫻桃及薦紅珠胎吾曹

今適際封篆白戰陣尾欣追陪行將先後赴閩海一枝互
贈官齋梅

先著攜古錄於庚戌三月晦日刊成感賦

昔侍嚴親病榻前兩兒跪泣受遺編遷延五十三年後第
四童孫始校鐫

南閣吾師

許印林先生

南羽友

丁少山待詔

烽煙保護費精神傷心

父執無人在阮

文達公

葉

東卿先生

吳

荷屋中丞

劉

燕庭方伯

何

子貞先生

李朋

年陳

壽卿丈外舅

題朱曼伯中丞歸舟載石圖

蘆花瑟瑟風蕭蕭雁沙櫓唱孤舟搖七十年來涉宦海歸
裝片石留輕舫寶應中丞不世傑家傳經術人英豪天下
之平在廷尉秋官試吏弭喧呶一麾出守洛陽郡樂詞十

二傳歌謠

長吉河南府試
有十二月樂詞

汝南久持繡衣斧兩河南北均

牽菱提刑皖粵臺栢翠承宣陝豫甘棠標中州節鉞荷

恩命媿我來作蕭後曹歲憶疆圉大淵獻黃河奪溜開楊

橋堵築帑籌一千萬賑撫漕轉三千艘公於其閒苦裁制

督工節餉心神勞至今順軌二十載榮光迭出無驚濤預

爲功成計身退蒲帆暝渚程匪遙鬱林雙峰採灘桂皺雲

一朵來廣交水風浦雲指前路菱絲菰米縈歸橈唯抱濡

墨米顛硯不矜宮錦青蓮袍賤子蒙恩解職去梁園舊

雨多同僚行當隨海入煙霧回首猶見嵩雲高

劉鳳紀字竹雲江西南城人同治壬戌舉人官廣西賓

州知州有衡雲仙館詩文存及嬖妃集

罷官後寄居南楚終日以

文史爲伴侶年逾七十猶耽吟詠

蔡天

石先生夢麟之孫壻蔡氏先集多爲校刊

閨怨曲 五首錄二

妾怨栖埒雞郎愛杜鵑鳥鵲肯勸郎歸雞唱催行早
郎情藕絲長妾心蓮子苦絲長斷復連心苦含還吐

晚行

暮色蒼茫際無端感不禁孤燈搖破屋斜照淡疏林古蹟
停車問鄉愁對月深歸期誰說易誤我到而今

五字苦吟哦聊爲破睡魔輕車猶偃蹇歸路況蹉跎樹遠
疑人立山高礙馬過一鞭殘照裏靜聽採樵歌

烽火路漫漫驚心道旅難村稀煩樹補客寂藉人歡對酒

情偏淡無愁夢亦安年華真易逝兩度過邯鄲

由錦州赴瀋陽車中口占

遼西已過復遼東

渡大凌河卽遼東界

咫尺風光大不同雲影遠橫

枯樹外雪花爭墮敗帷中

時已二月抄河冰未泮且連日大雪積尺許厚

鴉啼曠

野聲俱聳馬踏殘冰氣不雄料得征衣今夜卸圍爐悄對
一燈紅

旅舍聽座客暢談慨然有作

忽聽王郎砭地歌洗觥更酌漸顏酡白頭豕本遼東有碧
眼胡惟海外多
鬢雲遮千里日迷離月印萬重波深源
枉自虛聲負咄咄書空奈爾何

張之洞字孝達直隸南皮人同治癸亥探花由編修官
至軍機大臣大學士 賜諡文襄有廣雅堂詩集

漢武帝

平津經術張湯律厯次諏諸卜式錢一代公卿齊掃地四
夷珍怪盡朝天晝沈青鳥西飛日淚灑金人入洛年第一
奇功刊不得將軍斥地過祁連

海水二首

海水羣飛舞蜃螭甘泉烽火接令支牟駝一旅猶言戰河
上諸侯定出師地孽竟符蒼鳥怪天心肯使白龍危春秋
王道宏無外狹量迂儒那得知

十載艱虞選將才牙旗玉帳上游開不關陸九綸言痛已
見陶公義檄來槃敦肯捐河北地衣冠幸免廣明災江頭

餘燼千門鎖蒲柳無春更可哀

送同年翁仲淵殿撰從尊甫藥房先生出塞

玉堂春早花如雪捧襟攬轡與君別扶將老父辭青門西
行上隴水鳴咽隴山之外路悠悠輪臺況在青海頭豈獨
鞍馬憂憔悴花門千騎充涼州雲中太守行召用吏議雖
苛主恩重出塞不勞送吏嗔過海喜有佳兒從君家季
父天下奇謂叔平丈曾辭使節披萊衣君今爲親行萬里一門
孝弟生光輝幸免清羸似叔寶更祝白髮顏常好鹽澤羽
琤須縱觀剗乳盤酥強一飽聞道韓擒師且班石城青蓋
入中原邊塵一斗爲君洗早晚金雞下玉關

送研樵前輩之官秦階道

侍從能文學嚴徐與等夷冥心玩蒼雅刻意發歌詩出塞

腰懸印還朝鬢有絲知君行帳夢如在國門時

朝命兼邊寄君行不可留酒杯排日醉花事及春游寂寞
金門隱蒼茫隴水流晨星朋輩少誰與解幽憂

已受花門款洮西尙戰場燐飛沙磧火馬舐塞垣瘡幕府
勞神筆營田困見糧安邊囊底事儒者豈無方

少陵流寓地君又向秦州作吏偏乘障耽詩易得愁荒臺
耿碑石廢盃隗宮秋吟詠兼書簡無忘付置郵

謁胡文忠公祠

樞軸安危第一功上游大定舉江東日營四海無畦町手
疏羣賢化黨同江漢重瞻周雅盛山林始啟楚風雄長沙

定亂誠相似未及高勳又赤忠

武昌縣寒溪有陶桓公祠
公手題其榜曰長沙之勳

今存晉孫盛陶侃傳贊精金百鍊在判能斷智可克敵忠
可定亂長沙之勳爲時所讚侃封長沙郡公文忠公爲長

沙益
陽人

二老當年開口笑九原今日百身悲

公與先大夫手札云在軍中得令郎領解

之信與南溪開口而笑者累日云云南溪乃昌黎韓果靖公名超韓與公皆余受業師也敢云駕鈍能

為役差卒心源早得師

聖慮當勞破吳後雄心不暝渡

河時

公聞熱河北狩請自率師入援次年間定陵上仙病遂篤數日即薨於軍中

安攘未竟公

遺憾邀福英靈儼有知

彭剛直公挽詩

神州貫長江其南際漲海江海幸息浪砥柱今安在持危

望同心事棘公不待回憶越祲昏炎方門戶殆天降江神

尊氣吞海若倍軍離終成睦民恐頓忘餒雪濤擁虎門兩

角高崔嵬孤軍壁其外免胄不披鎧共苦憾士卒任難服

僚案

虎門曩為廣州前敵黃浦為次敵前粵督以淮軍守黃浦以水師提督率粵軍守虎門提督怨之以故粵

淮交惡公於虎門外沙角大角二山築礮台自督
我亦受

湘軍守之粵淮兩軍皆愧服聽指揮無異詞矣
危任同臭如蘭茝論奏出腐儒謬謂謀可采
凡防海規越

諫阻停戰撤兵諸事余意皆與公合摺奏
電奏皆余屬稿聯銜會奏公不易一字
王師入龍編虜

肉不足醢擣虛勢已成行成逞欺給返旆三軍哇撞斗老

夫唉天鑒剛且直戇言宥不罪兩年栖庵間擇地斥爽塏

霧潦看墜鳶浸淫中肩骸爛爛紫石棱疏髯蒼繞頰扶掖

始下牀英姿終不改九州服威風所至絕姦賄燦爛婦孺

口張皇及瑣鬼畫梅徧人間自吐冰霜蓄北歸未過衡一

面至今悔
余移湖廣擬自韶州度嶺取道衡州由湘入鄂
視公疾後以有奏明過滬商榷之事遂由海道

不得到
急難不尸位此意空千載袍澤入魂夢孤憤結磊
衡州

塊鯨牙日鋒厲箕尾失光彩羣蒿豈任柱雨泣問真宰

壽黃漱蘭通政六十

白日當天事 主心屢收涓壤補高深貴臣自憚愚忠黯
聖世終容直道禽欹枕浮雲看轉轂揚帆海月望抽簪後
彫獨有貞松在四諫榮名冠翰林

歐陽門下盛生徒說與吾文必道俱豈僅汗流降國士獨
將氣浩厲頑夫從游藍輦春常好問字壺觴德不孤不藉
丹沙紅兩頰逍遙自有養生符

公論昭明息謗傷服公忠實絕他腸閉關韜隱杯如斗看
鏡行藏鬢有霜椎布同心誇主婦絲綸傳世付諸郎元城
老健貧仍樂百鍊難柔鐵漢剛

觚棱回首五雲中待漏聞珂夜每同海有橫流慙報國
風催喬木各成翁坂前重負傷驚馬天外冥飛見遠鴻人
惜投閒吾獨羨小車遊洛定從公

吳繩曾字墨賓號正齋河南光州人同治甲子舉人官

直隸交河縣知縣

歷宰劇邑屏絕欺誣利民之事知無不爲旋以性剛忤俗因事奪官

張勤果公舊係同袍強起令佐河務山東奏復原職詩文均有根柢

令子錢孫爰孫均有聲於時

題張朗齋太守拈芝玩鶴圖

幾回海水盪胸襟眼底空明見古今身到祇須仙鶴伴興
來常共老松吟相臣梗概儒臣度名士風流學士心此日
弋橫仁又遍蓼城猶說舊棠陰

鸞停鵠峙仰丰裁有腳陽春得意來太守自多行樂地吾
鄉重賴濟時才金山萬丈稱奇品玉海千尋絕點埃遮莫
茹芝師許邁蒼生引領望調梅

題鄭松峰觀察擁書萬卷望益圖

持事師諸葛觀書比太冲雍容名相度黽勉吉人衷海錄

情無異瑯嬛地自同經神東漢著長擁百城崇
優仕復優學精勤本性成緝熙期日就不息法天行德裕
功彌懋資深矜自平有材都在治想見納汙名

和金少芝明府感懷原韵

八載戎旃寄此身壯懷銷盡馬蹏塵才華敢謂能欺世科
第終慚不若人亦效衣冠難免俗尙餘桑柘未全貧烽烟
滿目饒青睞莫向東風怨隱淪

浪跡年年感泛萍醉魂若爲利名醒千家顛沛悲噉雁一
瞬輝光笑嚼螢作客羞彈馮氏鋏授經猶望子雲亭邱墟
梓澤筵難再回首鄉關涕泗零

半生休說運迤邐似此遭逢亦固然愧乏終軍奇策建何
妨季子敝裘穿情叨分外尤銘感食拂嗟來不受憐漫謂

樓臺宜近水疎林也得月光先

持籌更道獨賢勞磨折千番志尙高撫已不甘終嫁纔與
君深願共征袍未償書債心猶熱每滯詩情首屢搔荏苒
年華容易老及鋒莫誤善藏刀

晚發余鄉鋪

仗策魚村道秋來晚更涼殘霞留暮紫纖月助昏黃客久
鄉心重程遙馬足忙干戈何日戢此念未能忘

過杞縣

萍跡靡定嘆浮生薄暮驅車過杞城殘照斜迎人面煖涼
颼遠送馬蹄輕花因地僻多無色柳感秋深更有情自顧
年華非弱冠論功慚說請長纓

過沮溺耦耕處

避世深如此居然沮溺名不因君子至遂輟野人耕甚怪
滔滔是無傷蹢躅行征鞍勞頓者毋亦惹譏評

題程道南循陔采蘭圖

陌草油油帶夕暉天涯遊子眷庭闈幽情漫賦顏師古雅
意差同東廣微萍泊經年疏供養菽歡何日慰瞻依染烟
薰露韶華盛薄采清池願豈違

不是行吟楚水濱襟懷藹吉物同春心馨雅配申椒味手
掇常儲子舍珍晨夕有虧終愧我艱危厯盡倍思親披圖
無限笙歌意未忍浮名絆此身

胡聘之字莘臣一字蘄生湖北天門人同治乙丑翰林

出編修官至山西巡撫

中丞之孫廣樾從余遊因得讀詩稿數十首藹然仁者之言也

隱居林下已逾十年治晉治畿均有惠政罷官後爲忌者所傾撫拾前事落職中丞怡然處之

三月三十日南康阻風

蠡湖東去片帆遲風雨連宵攪客思花事闌珊餘此日萍踪飄泊竟何時青山約負難如券綠髻愁多漸有絲料得金錢還暗卜幾回消息問歸期

金牛峽至甯羗州道中作

五丁峽水日東流牢固關前氣已秋
氏地至今傳白馬蜀山何處有金牛
干盤路迴丹梯矗百尺橋橫鐵索遒
更喜朝天高閣近劍門烟靄望中收

馮伯紳同年約十刹海觀荷卽席賦贈

我聞十刹海碧水引蓬萊中有青蓮花云是仙人栽泛舟
思一覽勝侶偕鄒枚十日九風雨欲往仍徘徊何意大馮
君折柬還相催高樓置樽酒坐我水雲隈但見綠波中萬
朶紅霞開灼灼映初日亭亭絕點埃舟如乘太乙座如接
如來妍如六郎貌清如康樂才相賞殊未已殷動晴天雷
波光翻破碎雨勢雜喧豗風裳與水帔強半忽已摧榮枯
才一瞬此理信可推吁嗟天壤間勝游能幾回我來雖遲
暮花下尙追陪感此謝主人滿飲碧筒杯折花徑歸去不
覺玉山頽

孝欽顯皇后挽詞二首

深宮聖德普遐邇宋室宣仁未許儔
鸞輅忽隨龍馭
返天崩盡切杞人憂

記曾述職趨 鸞殿 特許乘船到 液池今日觚棱重

回首 慈雲望斷不勝悲

德宗景皇帝挽詞四首

聰明仁孝本由天 懿訓欽承卅四年恨未躬親行憲政

承先猶賴 嗣皇賢

巍巍盛治炳中興 寢殿先營痛未能直至 鼎湖龍去

後始看抔土起

橋陵

橋陵本唐諸陵之一因王漁洋鼎湖原詩有多事橋陵一抔土句故

沿用之

封疆叢謗勢孤危 帝鑒丹忱總不疑自愧才庸終廢棄

欲酬 高厚永無期

歸田十載荷 恩全 遺詔驚聞涕泗漣本是 玉皇香

案吏 几筵一慟竟無緣



王先謙字益吾湖南長沙人同治乙丑翰林由編脩厯

官國子監祭酒有虛受堂詩文集

祭酒師著述宏富如續經解東華續

錄及漢書水經注荀子諸書均有校注滙爲巨編視學吳中拳拳訓士多所成就聞任滿時上疏指陳時政闕失語至切直不報遂乞病還山

次韻心雲寄朱

一新

蓉生御史義烏

五首

長嘯金鵝潭水濱歸來原不爲菰蕪及時好補南陔詠未

必朝廷捨此人

氣清骨直應休名今日翻緣諫得旌乍了乘軺新事業來

追折檻舊家聲

朱乙酉典試湖北有聲丙戌以劾總管太監李連英措詞失當左官

李侯高卧謝衙參袁繆時懷北隴慙

菰客不出久思南歸疎秋後珊亦各擬出

京明歲宣南歡會地冷雲枯樹我何堪

壯年未辦作閒人歲月還驚下坂輪聯唱喜聞坡有弟

朱有

弟苗生注書勤續瓚稱臣

朱精史漢之學

徐州花發春行馬空付雙魚到葦間爲報淵明苦相憶去年並轡看西山

次韻筠仙前輩病中

人生仕止皆前定回首眞成一粲然杜老謳吟戀君國

富平醫藥輔天年文章未信供餘事香火猶疑是舊緣精

妙五千休棄美試教河上述眞詮

時屢促其刊刻詩文集

病中乞休得

俞旨敬成二律

己丑二月

堯天正色日方中敢說巢由此意同來鵠直須容一卧蕭

輪那辦作三公霸宵照

闕心依月塵鏡窺人首似蓬所

恨滿腔生物意未教行雨代神功

分明疲馬不任韉里老歡言衣錦歸膾有豪情寄煙墨唯

應清夢入 雲扉公言似惜黃師是私議從刊朱勝非曾

把 寶書天上看要令寰海照清暉

時刻東華續錄未竣

柬袁爽秋農部

下邳橋頭逢褐父淮陰乃出少年侮吞聲詘節化侯王從
古高材出泥土爲郎執戟非不達况復折衝預尊俎但令
毫髮裨 國家世態低昂焉足數多君文章富匡贊欲變
蠻夷用鄒魯邇來天意轉蒼茫坐見藩柵隳北戶戎心狡
啟窟營兎將略空夸穴鬪鼠情談晏坐彼何人鉤撫微細
徒毛舉紛紛梁肉盡一概鬱鬱胸膈何由吐名章俊語發
道妙洞微有似札穿弩萬象皆賓緣性定一餅垂老知吟
苦昨陪使節析津游事秘莫知高論沮歸裝賴有詩卷壓
不負此行差自許朝衫莫學宏景挂朱弦聊爲鍾期撫較

量千古定誰賢仰慕青天豁眉宇

再贈袁農部疊前韻

枳棘叢中走樵父海棠獨笑誰敢侮

用東坡詩語

春風籬落見

標格不與凡材爭息土李侯長安作中隱廿載高巢益觴
俎閑居氣壓萬家侯僕邀諸曹那復數先生羈棲意不樂
頃亦遲遲思去魯文壇二妙世所稀不放銜書入天戶固
知得失互盈絀幾見鵷雛甘腐鼠白庵老人負經沛壯志
肯隨黃鵠舉天公故遣疾相纏妙理高文坐傾吐小儒侍
側竊餘論力薄焉能張勁弩未忘端木山梁哀頗覺堯文
霜月苦齒牙獎成媿踰分欲發狂言色先沮有田便歸吾
計定年少拏雲漫相許盛衰貴賤不足較近事澄觀掌應
撫絲能日飲更無何問道時思就衡宇

張英麟字振卿山東歷城人同治乙丑翰林現官都察

院都御史

得鄉試題名奉省中式十八名賦此誌喜

嗟我東方來兩歲掉塵鞅泮芹發馨香多士應如響夏課
黌宮門秋登廣寒榜咸謂校者教更推庠者養文史供漁
獵風流喜延獎儒林與文學不分洛蜀黨人文萃一時其
象聚而上有能從我遊以吾一日長人十而已千爲學戒
鹵莽抗懷追前哲芳軌緬疇曩名教多樂地高山深景仰
一洗凡馬空塵外得真賞遂令大海中珊瑚生鐵網得此
亦足豪硯田歲豐穰

輓陳冠生殿撰

冤

吾聞天生仙精氣應星斗地靈與人傑其發必積久將使

大任降非獨盛名負因其材而篤得天爲獨厚吁嗟陳殿
撰數奇逢陽九弱冠掇巍科哀然共稱首學海下水船文
場射雕手瀛洲列仙班無能出其右待人寬以和悅親信
乎友學識旣已超繩墨不徒守天馬能行空羈勒應不受
安排作宰相鈞衡握樞紐如何司命神是非竟難剖噩耗
驚傳聞維時月在酉玉樓上梁文必待君成否何以王蘇
州更繼君之後縹馬閬風巔同行若有偶遑論洪侍郎僅
得五旬壽人生如駒隙先零同蒲柳況與噲等伍焉得三
不朽

王太守仁堪洪侍郎鈞均
大魁天下百壽不及五旬

平壤行

漢家衛霍孰與作將欲決勝先運籌耕當問奴織問婢白
面書生焉足謀三邊責任抑何重論功當封定遠侯南陽

卧龍久不作天下才無管樂傳建瓴形勝比豐鎬分陝更
賴召與周坐鎮共瞻節鉞擁同澤當詠戈矛修南海北海
近相接誰云勢如風馬牛肅慎扶餘及靺鞨非若楚漢分
鴻溝東倭狂悖犬羊性朝鮮竟歎魯無鳩控于大邦亟求
救應憐麥秀與禾油我 皇震怒爰整旅不戰何以能包

羞六月出車共武服大會不異岐陽蒐北洋決策無遺算
爭說元老克壯猶三省海防稱勁旅練軍十萬如貔貅義
旗所指兵氣奮並進不分陸與舟芻茭定知先楨幹貂蟬
將見出兜鍪才人競誇墨磨盾大將爭看手援枹中流擊
楫渡江去簞食壺漿遮道留將軍來自龍沙外競說投鞭
能斷流黠陽應勒紀功石渤海方築籌邊樓洗甲定屬目
前事呼庚不煩意外憂陪都留守稱巨鎮文事武備才兼

優僉事居中爲心腹推襟送抱如相酬更聞監司作將領
盡驅黔首爲蒼頭兩翼新結鸛鵒隊八陣爭演魚鳧洲師
出竟無長子帥策獻空懷子美俯誰知十羊難九牧不覺
白夏徂深秋未必登壇能展報豈真緩帶兼輕裘東人酒
漿不可挹或歌有餘賦有餘遣將未聞月三捷總戎尙隔
天一陬零雨方詠鸛鳴埵風喜看鷹下鞬貫札誰能蹲
甲射張弓未見束矢搜競傳壯士能敵愾孰信武夫皆好
仇鄰國已聞走鋌鹿楚人空說譏沐猴且喜風雲際龍虎
應知道路開驂駟會當捷書馳遼左掀髯一笑看吳鉤

贈太僕劉夢藜太守

熾昌

殉節狀題辭

潯陽太守心如鐵金石不能渝其節嬰城固守防獨嚴巷
戰力窮死尤烈居官惟有琴可攜臨難定知纓能結爲民

捍患功獨隆報 國殞身志早決裹傷已穿甲數重艱險
不避坂九折守土惟知頂踵捐忠魂恨不妖氛滅青天曾
記荷 主知教忠先後同一轍忠歸尙含溫序鬚罵賊早
縱常山舌叢葬已悲蔓草荒年深誰識幽芳潔孝孫乃能
繼父志三千餘里風霜閱當年謝叟親見之四望山前爲
君說手瘞猶可誌燈杆時亂不及樹碑碣夕陽影裏照征
驂流水聲中間啼鴉五叩仙人無消息悲風瑟瑟徒哽咽
盧家兄弟言重遷指示何幸得其穴競說積誠感神明遂
令枯骸驗滴血死生義分明於霜荏苒年華去如瞥忠孝
由來萃一門行誼眞能過前哲太僕追贈 天語褒昭忠
崇祀大名列俎豆馨香報忠盡山川鍾毓爲英傑生平政
績煥緇繩身後榮名紀綽楔祖貽厥謀孫繩武忠義孝慈

兩奇絕 國史列傳極褒揚家乘行迹無散缺名流擬作
正氣歌後生惟有瓣香藝百世聞風起頑懦一時末流振
疲茶雲車風馬靈歸來恍惚應作電光掣

題何潤甫春隄試馬圖

錄三

名場新奪錦標還振策何嫌馬力孱殘雪初晴斜照晚梅
花香裏看孤山

問訊東風過六橋韜光庵外月如潮踏花歸去鞭先著不
管遊人理畫橈

雪泥遙寄海雲邊惜別匆匆十五年棖觸吟懷如夢裏畫
圖爭看小遊仙

吳汝綸字摯甫安徽桐城人同治乙丑進士官至冀州直隸州知州有摯甫詩集

馬通伯求見張廉卿以詩介之

張子濡大筆淋漓坐小閣高歌泣鬼神俯唾生珠玉當其得意時馬揚不能獨惜無好事人至言不勝俗吾徒有馬生閨室夜求燭若令掃公門籍湜儻可續寄聲作儉介此諾吾已宿忽憶求闕翁匠門慙散木

北征別張廉卿卽送其東游

昔人各有千秋抱百不施爲乃箸文牝擲黃金真誤我縞穿強箭獨憐君堂前莫漫嘲輪扁後世安能無子雲元凱盈朝身暇豫且須呼酒叩皇墳

我歌伐木行求友鐘鉦筵摧不肯鳴海運鯤鵬通變化氣

聯龍虎有逢迎漢陽晴樹帆初遠鍾阜秋雲酒共傾早晚
探奇窺禹穴倘因朔雁一傳聲

甲午冬至

消息深秋已漸乖微陽不謂死如灰頻驚元武猖狂勢祇
惜義和選奕才歲事侵尋愁欲改天心至竟挽能回從今
便覺春光近看取薦花次第開

至日開筵散鬱襟追懽倚醉一狂吟空教坐客驚豪飲無
那霜髭折壯心歎逝撫棺真已了論交傾蓋不妨深可憐
榆塞長征士斥盡瑤池賜宴金

白注云近有
詔冬至停宴

弔戴孝侯

聖皇方振武海水已羣飛字小庸非義謀輕自失機誰能
參彼已祇是炫從違恥論四夷學空爭一戰威聚金持鑄

錯畫餅欲充饑顏敗衰難起捐糜補亦微驅備看絡繹遣
將競馳騑紅粉傷心別青油掬指歸刑章焉可屈節士本
來稀閒氣生儒將空羣挹德輝扶桑專筦籥細柳閃旌旗
對峙憑雙闕偏攜失左扉孤軍三面海勅敵百重圍星火
流金彈朱殷漬鐵衣兼旬支不壞一旅救難祈義死公何
憾遺禽計或非廟謨當擇任師律在沈幾閱歷肱三折艱
難羽一揮面欺樊可斬膽怯收笑譏末學真膚受高言且
腹誹藩籬今盡撤危急欲何依國論大臣在忠魂志士唏
左膏薺草茂鄧血海魚肥百戰君逾壯千秋節並巍勇增
三益氣憤薄二離暉歛翮吾無似遺蹤孰可希何當親執
紼灑淚薦芳菲

送李傅相出聘海外五國三律

少時敏手事澄清老作中朝萬里城三紀景鐘功狀在一
朝巾篋謗書盈吾君自欲優元老外國爭要枉旆旌卻
笑班生多壯節暮年徒鬱玉關情

昨歲軍謀取上裁似聞時論惜康哉兵家勝負元常事天
下安危仗異才趙國祇傳吾將怯平城終見虜圍開卽今
盛軌何人繼七十乘槎貫月迴

歸朝寢處同彌勒便擬懸車返舊林漢主渾忘充國老桓
伊卻識謝安深長風巨浪平生興白日浮雲萬里心環海
名王挹風采更無冰炭點清襟

結城琢卽席有贈疊韻和之

渾流誰與辨滄澠美酒醺顏已不勝聊借佳人發孤笑不
須佛慧記傳燈

寶 廷字竹坡號偶齋滿洲鑲藍旗宗室同治戊辰翰

林官至禮部右侍郎有偶齋詩草

陶然亭送張香濤如粵張幼樵如閩

友朋久聚處淡泊如常情偶然當離別百感由此生人生
各有事安得同止行各了百年身甘苦難均平古今幾賢
豪疇弗有友朋離別亦習見別淚例一零今日天氣佳有
酒且共傾勿作祖帳觀聯轡遊江亭俯視大地闊仰觀高
天青餘生尙幾何願醉不願醒

華山謠送黃子壽先生之陝西按察使任

顥天肅殺金維偏秋氣降地凝華山華山學地不學天上
下一直方不圓山影似古司寇官峭然坐鎮秦隴間一石
入土土出雲其高三萬尺五千其廣四十周井田河伯東

行山神闢巨靈手快工解紛勸山讓河山爲分山肉流盡
山骨存金波萬丈滋雲根化生一朵瑤池蓮濁流照影清
絕塵華山志士兼仁人南峯主雨西主乾肥蠶徵旱四海
歎都龍作霖天下歡興雲產霧益下元災祥互降威下民

見漢碑

維嶽有神威兼恩收斂清汰天付權天形坐執天秋

官

見許讚張
璠二賦

送公陳臬西之秦吏民瞻仰山嶽尊風骨峭

厲私莫干淤泥不染貴愈貧官符地位秋氣全寬裏猛表

秋兼春蓮池講學宏陶甄

曾爲蓮池
書院山長

濂溪提刑徵淵源蓮

峰顧王蹟未湮公餘教士追前賢小子癖山自幼年岱宗

雨登華未攀故人西歸惠瑤編披覽棖觸心更殷閉門四

載辜此閑婚嫁累多遊遠難夢中蓮花縈吟魂希夷教我

學睡仙廉車行經當駐輪爲我一登落雁巔望攜俚句問

九閭但恐隔絕天難聞

送張孝達前輩巡撫山西

與君生不幸值此時事難相從侍 彤廷抗疏同直言君
言富經濟我言空擊彈豈不觸衆怒實賴 聖德寬君今
當遠行使我涕洟瀾性疏惟禍易 恩重全身難久此共
憂患不樂君高遷羨彼求友鳥和鳴幽谷間

大攷左遷戲作

老娘三十倒繻兒獻賦 金鑿色忸怩中允左遷天有意
小臣詩筆近王維

重陽前後作

雲沈天欲暗疏雨五更涼一夜西風急秋聲滿朔方乾坤
身外大歲月死前忙獨坐念無事無憂亦斷腸

冬獵行

北風捲地寒山鳴黃沙白草連天平虎狼怒吼兎狐泣火
光逼日煙塵腥攀崖越嶺重圍合弓刀燦爛人聲急風毛
雨血亂寒空馬作龍飛獸人立縱橫馳驟窮林藪凍雲莽
莽迷前後驕鷹逐兎溯風飛怒犬衝人穿火走健兒攘臂
爭豪雄須臾蹴踏荒山空驚禽駭獸自相搏血流澗壑層
冰紅將軍大笑投弓起返旆旆城士卒喜日落天寒暮山
紫

陶然亭與張孝達飲酒醉後偶成

不到江亭近十年
歷觀風景尙依然
蘆芽貼地平如草
山影黏天薄似煙
笑我惟當飲醕酒
問君敢否酌貪泉
君將之粵
督毋將一會看
容易沈醉休辭杯
再傳

陳寶琛字伯潛福建閩縣人同治戊辰翰林現官內閣
學士兼禮部侍郎有滄趣軒詩

愛蒼侶修宛在堂詩龕見寄二律賦和

菱蕰彌望損湖光誰更荒龕訊瓣香失喜詩人今岳牧得
閒鄉夢在滄浪晉安風雅吾能說天寶呻吟事可常兩紀
蕭條攜手處百花洲上舊祠堂

林謝耆英不可留邳州博野亦山邱十年里社詩文盡萬
事滄桑我輩休史料一朝正陽集才名並代海藏樓天然
壇站雄旗鼓下視螺煙是橘洲

謝琴南寄文爲壽

不材社櫟敢論年刻畫無鹽正可憐萬事桑榆虛逐日半
生草莽苦憂天身名與我何曾與心迹微君孰與傳獨媿

老來詩不進嗜痴猶說近臨川

次韻答幼點

萬竹叢中占一坪落成難得值春晴詩來夔蜩如相語夢醒風濤尙自驚徹夕累君無穩睡四時留客是秋聲却因遠憶南州伯百步廊前綠正生

次韻答幾道

五首錄四

弟畜多慚長五年盛顏眼見亦衰顛一生苦嗜鯨魚膾不借餘艍作釣船

萬品西來譯者功祇難落筆得文雄攢眉蓮社猶迴避稟性從來恥尙同

花落花開老著書起看海水更何如斷腸最是清歌夜些些子禪塵忍便除

有子端應勝買田葦間待汝共延緣不須燈下吳江雨相
見論詩動隔年

題伯嚴詩卷

老於文者必能詩此道於今亦少衰生世相憐騷雅近賦
才獨得杜韓遺江湖浩蕩身行老肝肺槎枒俗固疑却喜
年來歡聚數秣陵雨夜耐尋思

恭挽 孝欽顯皇后

戊申十二月

手定中興四紀周女中堯舜古無儔 冲齡忍見 三朝
嬪 末命猶厯萬禩謀危事易言臣自失狂夫一得聖常
收遭逢元祐無微效晚絕攀號涕泗流

恭挽 德宗景皇帝

及時麟見世猶疑卒爲神洲植福基四裔具瞻知有 聖

眾生同病孰能醫
聲消坐見堯肌腊
淚盡如聞蜀魄悲
十載孤臣愆赴召
却留殘息哭淪曦

伯平不通問廿四年矣書聯見貺賦謝

聯有瀛洲舊侶成者宿句

三百餘傳最少年
海壖一臥亦華顛
平生自斷羞言命
世事回思剩問天
黨籍累君遲假節
陸沈媿昔讓先鞭
別來兩紀差持慰
小技雕蟲未減前

疊韻答伯平見和

瞥眼眞成廿六年
書來草法逼張顛
早知好月難終夕
獨惜晨星各一天
出殿神羊甯改觸
故山病馬久忘鞭
却愁會面從何說
身世交衡底似前

龔蘭州濬渠留別籌邊三圖爲含晶前輩題

百年桑梓論耆獻，循吏儒林是我師。
時棘詔求兵事策，焚餘人誦去思碑。
猶憐大用生才靳，卻羨潛盤入仕遲。
鴻雪滿前原亦寄，蕭條乍喜見鬚眉。

七月廿二夜聽水齋對月

秋氣掠孤夢，月窗濛若煙。
潺潺無盡水，穆穆未明天。
樹影森疑象，蟲聲悄入玄。
巡欄成獨笑，非鬼亦非禪。

次韻答幾道卽以贈別

懶雲戀山無定姿，趁鐘隨梵依耶毗。
江風破禪墜奇句，一笑短髮奚能爲。
昨來竹牕論筆勢，燈花如豆薤倒披。
據梧倚樹百蟲絕，仰睇箕斗光參差。
怪君說詩忽感事，犀照萬態窮魑夔。
但論風雅今亦衰，君持古心將向誰。
排場文字

假君手鉤劇肝腎翻招疑盛年拄腹端且好幸寶子墨懷
側釐陰崖陽谷各有向莫與寒木愁春曦晚蘭凝霜菊未
秀何以贈君惟卷施江湖上下別後思行矣勃謁寒生斷
道逢損軒煩寄訊勞苦邯鄲帶下醫

七月丹曾肖韓同舟枉存因訪叔伊玉屏山莊歸均
有詩徵和感念寫經昔日之遊次韻并柬珍午

魚陂潦退橫空罨繞樓枯稷垂荒藤好風過江噪檐鵲失
喜聯臂來詩朋炎氛漲城散湯社容我蟄卧如溪僧五旬
一面語不盡痛逝相慰情可勝玉屏山色繚沙步豈不欲
往病未能峭帆滅沒暝潮急金波風縠光交騰寫經一去
迹如掃誰信瞥眼成衰興當年泛月恣還往半夜吹火勞
漉蒸汀茫展謔不卽枕倦倚書卧迷雞蠅有時覓詩松影

底風際循髮雙鬚髻法門豈能離文字漫署不二張三乘
無端荷芰自焚裂出岫冉冉輕雲升訪梅葛嶼偶維楫愁
對病橘園寒塍移文招隱付談笑宦味那復分淄澠嗚呼
墓草今宿矣虛撫治行銘歐曾千編手校恐亦盡上市往
往逢籤牒十年俛仰有如此世事何限羹齋懲吾宗詩盟
更忍割老宰畿赤儕輩丞新歸有弟昨過我爲話危板猶
淩兢僑居頗亦感華屋吟盡漏鼓聲鑿鑿兩賢灑然步庭
廡甯免百念來填膺詩成先後舉似我讀竟三嘆施之滕
離襪獨鶴久不舞敢整倦副當霜鷹長篇惡韻苦相難琢
句况費銖銖稱張侯賓館倘思舊合有賡響供追徵新來
開逕得三益此集唱和逾松陵

九月十五夜湧泉寺口占

春風自言約略西語通屈指視事五十載年六十四顏則
童

忘華語叟

坐無華語陪華叟欣欣來

非僑產子

與之坐而問索解空徘徊

漢字一無識安所需其材多一彼族耳鄉音翻疑猜

旱疫行

炎風驚沙驕陽生魑虐競促狼籍聲天緯赤道地背暑浮
海我來巴西京彼王若官罔耐此避之自出百餘里

英里四十

醫寮裁容三千餘日二三百患不起腓卉百瘠筒吸纖平

池難供魚苗潛大雨不雨六閱月兩月來無微膏沾仲春

中旬一再雨滌塵有餘澤何補鬱難久居游復游夜游一

籌勝日午東雲爭歸煇難禁

日本六人同僑巴西有年近二日而死其二餘皆乘舟返

涸轍之鮒疲飛禽登舟未發雨送客艦窗漚淅三日霖

蟲基隄

初未之知於先塔盧斯見蟲房諷其所出云房與隄皆出蟲之一種遂補作此

寸累萬千越隄起朝潮夕汐一爲止其面則易其基難伊
誰之力乃致此噫嘻吾意人工齊豈知一蹴非人躋其技
則小力則眾我欲名之蟲基隄蟻穿魚穴乃隄蠹未聞鳩
工水蟲聚黃河非辭涓塵功安得蠕蠕萬萬數

烏拉圭人索字

有客有客窺拈題睨之虬髯腮半迷象譯爲言偶一至僑
埠來自烏拉圭烏拉圭駐烏拉領事法蘭昔司歌其名也所薩其姓氏來舟一視願得吾
書一華紙博物之院眾目視何以酬之蘭言箋行之彼國
我其始三月五日夜輪舟中書臨別握手雲龍日阿里約時彼喜日亦解日斯巴尼亞語重握手而去



劉玉璋字特州四川奉節人同治庚午優貢現官福建

龍巖直隸州知州有夔夔堂詩草

閩中循譽甚著詩稿尚未付刊

飛血行

庚午夏日爲三台縣王烈女作烈女名滿貞

凍雲黯淡天無色
鄴城雪壓千峰凸
已巳之冬嘉平月有
奇女子殉大節
從容就義心如鐵
上與天地爭凜烈
女年十九
縞將結不圖壻以暴疾沒
女一間訃痛欲絕欲往哭
之矢靡慝尼於父母
不可得女六日哭聲
嗚咽親串聞之
嗤其拙百端勸女
女不惑笑聞葬壻
期已迫以身爲殉
意乃決入厨覓刀
刀光白入室篝燈
燈光碧刀光如電
穿喉裂熱血橫飛
天應泣天遣神靈
導貞魄萬鬼掬血
奔竭蹶是夜朦朧
山月黑黑風捲地
吹獵獵壻家屋瓦
震如擘滿堂燭影
半明滅旋風繞棺
聲格格毅魂入棺
棺欲圯衆賓

悚聽神皆懾如覩殘疏森然列天明起視靈床側朱殷滿
地血猶熱客聚觀之莫能測忽得女死稱嘖嘖始知兩家
廿里隔雪飛如有翀天翻嗚呼女心本曲折其初豈必甘
永訣奔喪儻能遂胸臆何難終身茹冰蘖爲婿立後無孤
子俾子而孫祀不忒惜哉此志僅空設取義乃遭刎頸厄
我觀昔日人中傑血作篡字甘殉國又觀烈婦勇罵賊血
成人形石如泐古來精誠所發洩往往以血著奇特烈女
之奇更超軼何止上與古人埒吁嗟乎生不同室死同穴
億萬世傳飛來血

寄家書

丁卯秋

秋風飄泊憾漫漫欲寄家書下筆難擬訴天涯爲客苦轉
憂堂上減親歡倚閭況復愁腸結聞信應將老淚彈不若

牢騷盡刪去但言遠道總平安

泊西陵峽

癸酉夏日

風雨黯江樓江聲入夜愁鄉心懸古峽殘夢冷孤舟遊子
三千里衰親七十秋誰能拋別恨浩蕩作豪遊

和丁雨生中丞酬孫子授學使慰留七古原韻

羊城東去一千里鵬湖萬頃涵清秋奇秀所鍾偉人出與
范爲侶韓爲儔昔撫三吳今撫閩維德所被棠陰稠閩之
爲國古難治海濤湧洞鼉鼉浮公如治蜀必以嚴嚴於惡
梟寬馴鷗强者旣鋤民乃樂如登春臺臺上遊覆盆之冤
靡不雪高懸秦鏡窮九幽六十二邑若親厓疑有千耳兼
千眸藻鑑何明意何厚共濟不使相貽羞潏潏洪水夏爲
虐公則未雨先綢繆日籌荒政夜跪禱精誠所至驅蛟蚪

浹旬城樓不知苦身與僚佐爲鵠侯百億萬人公所活瘡
瘕無復煩廟謀萬戶銘德製錦繖曰如廣廈如大裘積百
日勞甚矣憊憂時況復多邊愁日昨上疏乞解組若成功
將捐兜鍪方今腥羶半天下需材須與劉岳侔東南半壁
惟公倚天恩那許歸田疇八閩千里頌且祝祝公生我
稱觥觥時平時平事孔棘公兮公兮身應留

秋日登烏石山樓

烏石山在福州城內

秋風落日上高樓樓外烟雲一望收西聳連山通建邵東
來飛浪接琉球五朝割據空餘恨萬里登臨易感秋何日
攜朋同爛醉遙呼明月海東頭

王 詡字子揚江蘇流陽人同治癸酉舉人歷署山陽

鹽城等縣教諭有建陵山房詩鈔十卷續集七卷

呈山陽魯通甫先生

千里長淮化爲酒幾人一吸西江口枚家父子久不作鬱
鬱真靈降魯叟魯叟少時意氣豪五花將出供嬉遨醉以
憤詞質西嶽古之大隱登東嶽東山不爲蒼生起江南江
北烟塵裏有人亂擊鐵如意丈夫安用毛錐子王郎一生
滄海客赤手蛟龍擒不得春風座上一揚眉公若補天我
爲石

感興四律和瓠翁

莽莽蒼蒼裏憑空瞰九州風霜驅智勇膏血急誅求孟軻
莫輕墮杞天相對愁傾陽由物性耿莫奪巖幽

記事艱龍戰圖編譯象胥幾先厝薪火手掇漏舟柳有子
傳家易無官伴佛居此才嗟客死鬱鬱茂陵書

魏默深罷官寓西湖

理安寺

鼎沸維州議功開遠戍荒孤忠懸日月餘事奠金湯
北闕恩綸及南天瘴雨涼侍郎今憤起立誓殪封狼

湖氣腥重洗江潮怒未平相州九節度猛將一花卿塗地
生靈血焚香 聖主情昇平何以答風咽亂蟬聲

天朝士子歌

有序

新安吳幼蓮客胸僑眷屬揚州遭癸丑之難有子
燠年十三賊誘爲子不屈曰我天朝士子也其鄰
張承舒歸自賊中爲幼蓮述其事

生十三年之吳童賊喜不屠誘呼翁翁呼非獨活汝命鮮

衣美食騎花驄甚者覬覦侯王公童氣如虹聲如鐘一言
上訴天爲通蒲盧以我爲桑蟲旁人竊竊語吳童高飛上
有冥冥鴻左顧寶劍磨青銅右顧十丈氍毹紅童知有翁
羈海東走相告者翁捶胸何勿忍死稍從容噫嘻忍死常
兒同君不見城南白骨如山崇

女專諸行爲朱九姑作

有序

九姑江夏人

九姑讀書曉文義揚逆虜爲內記室九姑懷藥伺
隙毒秀青事泄被磔瓠翁作女專諸行

魚腹險刺吳兒劍青天白日飛紫電姑從何處淬良藥干
將獻魄鏤鄒鍊金陵城頭虎大吼百二十人昇賊走道旁
脅息不敢瞬稍稍色動立碎首有美一人意氣舒紅襦同
繫雙明珠朝朝對鏡澤容膚夜夜搗管親軍書朝夜伺賊

賊不覺鳩鳥告予以謠詠身死卽死心決絕事成不成天
唯諾事不成姑立死義聲凜凜百千祀專諸乃出爾女子

悲漢陽爲劉殿壘孝廉作

漢水東流不到海中有離聲悲未央生無見期死可忍葭
水哭望天蒼蒼誰昔送行河之渚行人掩面淚如雨舟子
持鐙不忍見殘箋手裂血縷縷衡陽過雁武昌魚數千里
外蠶眠書猝聞中雉一起舞三張二陸非虛譽伯兄俊夫
中丁酉鄉
科從兄子謙同科中式春官再上不稱意牽率恩門掌書記荒城陷

賊幸不死長嘯軍門拔劍起當今勳伐誰最多力能造命

皆由佗金陵市上疾掩耳迅雷一擊無奈何

甲子秋聞遇
令叔唯庭明

府始聞
君計

可憐肝膈罔弗剖櫟釜聲中諱雞狗黃壚酒人非

昔人陶祠見月不見友有客哀吟撫石獅石亦能言獅亦

吼溥齋有陶祠石獅歌爲君與蓮卿作嗚呼仙人一去黃鶴樓才人死傍鸚

鵒洲我今安得翔風遊愁絕晴川歷歷樹龍岡一帶徧松

楸君里名巨龍岡

讀包安吳致蘇鼇石督部書

夷艘犯金陵時安吳曾以秘策干大府

閉門和戰事紛如拄杖巍峩此賃居壁上風雷抽短劍夢
中蝌蚪讀奇書苦求美醬無人測不對餘皇亦汝疏留取
繞朝遺策有宵鐙掩卷爲躊躇

越人驚走望桓侯一脛如腰又幾秋百萬生靈沈巨浸五
都魑魅滿神州空聞杜甫吞聲哭不見張良借箸籌翻怪
終南開別徑河山風景了無愁

鼎湖篇爲吳柳堂侍御作

侍御遺詩有抔土已成黃帝鼎句

首山之銅荆山鼎六龍扈駕雙龍引霹靂一聲天地裂霄

漢長懸弓劍影烏號墮地空漣漣求仙有路莫昇天 嗣

皇繼 聖工拜舞鴛鴦宜福祝萬年小臣撫膺獨流涕修

竹甘蔗舊彈事恕臣三死臣不朽餘生皆出 先帝賜

先帝冲齡坐御牀 兩宮訓政宣重光子孫千億應壽昌

慟哉披髮叫大荒天乎忍聽漢帝殤願乞 懿旨頒煌煌

上告九廟下萬方傳世傳及無異致終以昌意承軒皇鳴

鳳胡不聞朝陽鼓瑟何又哀靈湘無病而呻爲不祥尸諫

敢學蒲城王

謂故大學士王文恪公鼎

薊門風雨橋山路封緘縷縷傷

心處徑乘浩氣朝上眞紅雲一朵當頭護吁嗟乎宋人濮

議訾者衆有明大禮成聚訟中令首違金匱旨戾圉但爲

黃珘用我 朝家法光前史有天下皆 皇帝子留與盈

廷細品評馬仲橋下長流水

侍御致命於三義廟在馬仲橋傍

俞鍾穎字君實江蘇昭文人同治癸酉拔貢現官廣東

提法使

己亥六月乞假歸養率賦四章以攄別緒

渚宮小駐眴三年遠鬯威聲愧昔賢翔鳳在霄縈舊夢飛
鴻印雪總前緣臣心自勵原如水國事多艱欲問天每念
故山歸未得白雲凝望尙湖邊

慈母還家感遠離書來疊疊問歸期陳情幸我烏私遂戲
語由人鵲退嗤遙識倚閭開笑口會看舞綵學嬰兒大江
東去舟如駛穩送行人願勿遲

愧無善政及民生去後猶懷舊郢城古誼同僚多合志高
才羣彥共專精救時惟願耕皆熟濟困還期稅有贏留語
此邦諸父老但能樸實自安平

馬齒於今五十三滔滔往事靜中諳
小人有母欣猶健薄宦辭官矢不貪
發篋圖書饒至味閉門菽水有餘甘
京華舊侶如相問再逐車塵我未堪

陸潤庠字鳳石江蘇元和人同治甲戌狀元現官東閣

大學士兼管順天府府尹

題孫子瀟先生雙紅豆圖遺照

紅閨文字有情禪入手珠璣箇箇圓老我風懷刪減甚新
詞莫續鷓鴣天

拂水巖前舊草堂至今翰墨浣餘香廣平也有梅花賦不
礙人間鐵石腸

題延子澄學士引玉編四集卽用己酉元日試筆韻

子澄原詩係用司馬溫公耆英會詩韻溫公是年
六十四歲子澄年適相同和者百餘人悉用原韻
策刊爲
四卷

金臺虛度卅年春依舊廬山面目眞實事我求司馬是清

操君勵伯鸞貧三同棘院談科第余與子澄同舉同治庚
午優貢及癸酉甲戌鄉

會試凡三次
爲同年生
一 例榜鄉主賓時局艱危今已亟幹旋惟
仗後來人

譚宗浚字叔裕廣東南海人同治甲戌榜眼有荔村草

堂詩鈔十卷

任四川學政時培植英才提唱實學得人最盛刊有蜀秀集蜀人以何子貞張

文襄及公稱爲三賢王午典試江南亦稱得士馮夢華中丞煦袁渭漁主政寶璜張仲仁太守一磨均出其門荔村草堂詩鈔以使蜀集爲最精粹宏麗今所選錄多本之

譚文卿前輩

鍾麟

招飲節署奉贈

終南山色抱城來持節元戎幕府開舊疏威嚴眞御史高
牙輝映大行臺西陲轉餉紆籌筆東閣論詩快舉杯此去
坦平歌蜀道甘棠應爲召公栽

中丞暨李荔友軍門近修治北棧行旅便之

桂湖謁楊升菴祠

如此江山未得歸却投魑魅竄荒陲置身科第眞無忝
跡伴優亦可悲學異程朱偏崛強遇同璫萼恥追隨似聞
祠宇忠魂在夜夜南枝叫子規

與諸子論詩

讀詩如讀書根柢在學識眞實苟未充虛矯難應敵歷觀
古名家林立雖若戟儻能生面開終自據一席毋矜半聯
巧先貴萬卷積咀嚙得英華字字有來歷而於使事內超
脫泯痕迹取材旣清新養氣斯浩直化機盡吾師觸處皆
心得吁嗟夸毗徒妄論眞耳食謬云天籟鳴矢口信胸臆
絕脰力已疲巧顰醜斯極百年風雅替正氣日衰熄君看
技藝成半藉艱苦力豈有捷徑趨而能千里適所患摹擬
工區區限繩尺前明尙選體流弊終否塞貴能翻臼科役
人匪人役寄言學詩者多師轉求益故技須盡捐正途匪
難覓砥礪從今始庶面十年壁

又作一首

百年鼎鼎幾詩人得力多緣喫苦辛辨味味中方得髓出奇奇外別通神妙參肯綮屠牛坦遺盡形骸相馬歎此是杜韓無等兒莫容餘子詡知津

尊經書院十六少年歌

并序

余甫至蜀張香濤前輩

之洞

語余云蜀才甚盛當

以五少年爲最謂綿竹楊銳井研廖登廷漢州張祥齡仁壽毛瀚豐宜賓彭毓嵩也嗣余校閱所及又得十一人因仿古人八仙九友之例爲尊經書院十六少年歌其有績學能文而年過三十者均不在此數凡諸生所作文字具見余近刻蜀秀集中

宏農博瞻誰與侔手披七略函九流房星降精騁驕蹴

踏要到昆崙丘

綿竹楊銳字叔嶠年二十一

廖子璞學追服劉校勘審

稿刊謬悠森森腕底攢戈矛

井研廖登廷字勛齋年二十七

張生爛爛雙

電眸曹倉杜庫一覽收讀書欲徧秦與周

嶄然筆力迴萬

牛

漢州張祥齡字子馥年二十二

小毛詞翰揚馬儔如駕青翰凌滄洲珊

瑤炫耀珠璣浮

仁壽毛翰豐字鶴西年二十七

范君淵雅文藻優長離宛

宛昇雲游

華陽范溶字玉賓年二十四

鶉觚之孫內行修篤志墳典兼

索邱問事不休賈長頭

華陽傅世洵字仲戡年二十三

邱郎靜謐劬咿嚶

文學穰穰囷倉稠

宜賓邱晉成字芸蕃年三十

老錢詞筆雄九州字裏

隱躍騰蛟蚪

宜賓彭毓嵩字錢生年二十七

清河才調萬斛舟餘事筆札

追鵠繇

樂山張肇文字梓亭年二十七

樂安傲骨輕王侯神峯峻立恨少

道稍加淬煉成純鉤

忠州任國銳字箕甫年二十三

濂溪經學窮微幽遠

婉孟喜兼施雋

成都周道治字潤民年二十四

短宋詞筆工雕搜華燭五

色垂旌旂

富順宋育仁字雲巖年十九

南豐詩卷清而瀏獨鶴矯矯鳴

霜秋

成都曾培字篤齋年二十六

延陵門內交唱酬如彼榮郁兼談彪

振轡詞園扶輪轉

驥爲吳昌基字聖俞年二十二從父廷佐廷傳廷俊亦均有詞藻

東吳

文學春華抽若琢瑚璉鏗琳瑯

成都顧印愚字華園年二十一

戴侯嗜古

羅珍饒翩翩下筆難自休看汝追逐登鳳樓

江津戴孟恂字伯華年二

八十

翠屏山陸宣公衣冠冢

鄴侯貶謫許歸山裴令終容綠野還豈謂孤臣傷鰲直遽
教遺骨朽榛菅經綸何必非三代風采猶當照百蠻恰與
此峯同筆光翠屏千丈絕躋攀

赤嶠

四首

赤嶠山千疊黃崎海萬重虛聞三表策竟乏一丸封鵲岸

先焚艦駝煙疊報烽終憑天險固尙未燬崇墉

大府今廉鮑清名孰比倫但知觀趙壁終受詎秦人鎧仗
全資敵鈴符枉召神諒同吳處默豈易制盧循

埋輪張御史臺閣夙風生甫見蔗竿落先聞芒屨行檀公
原上計劉秩果虛聲但讀籌邊疏何慙幹濟名

僕固歸何急孫歆死或疑幸同浮海遁依舊執冰嬉塢壁
誰營繕瘡痍待撫綏臨淮何日到盼望舊旌旗

過淀園遇張太監年一百有六矣自言九歲入宮語

教匪林清事甚悉咸豐中亦嘗扈從至熱河也

曾侍先皇玉案前方瞳紺髮尙蹢躅直從教匪初平後話
到灤陽扈從年老輩諒難逢沈令煉眞應合比毛仙卽今
柏寢無遺器時望觚棱定泣然

張百熙字治秋湖南長沙人同治甲戌翰林官至郵傳

部尙書參預政務大臣 予諡文達有退思室詩集

贈屠梅君侍御仁守

秋心鬱幽騷援琴發商聲一彈元鶴哀慷慨有餘情罷絃
月在席攬衣步前楹晚花惜孤妍庭柯撫冬青念我素心
人百感紛交并浮生嬰世網素懷厲清節與子俱盛年簪
纓綴朝列閒官百無補微祿坐忝竊戕戕獬豸冠諤諤古
風烈吳子踐清要感激腸內熱抗手排 天閭白日照

宮闕

宮闕鬱雲興

御苑何輝煌

聖母簡臨朝

明

君法垂裳廷臣有謀畫密勿不可詳殷憂邁天時未覩生
民康吾子抒忠愛諫諍於我 皇滄泚感詩人陰凝憂履
霜天聽其如何屏營心內傷心傷何終極累欬還太息嚴

霜隕勁草飄風鍛高翼金石有銷鑠墜露無再滴國香不
見采蘭芳委榛棘秋氣日以森寒蟬晚寂歷覽物重咨嗟
元化安可測何當叩眞宰一爲起沈抑沈抑詎天心孤臣
自疏遠良無肺附重甯曰謀國短違時成棄置含識慨
忠款而子顧夷然憂世獨纒綖淹遲戀北闕望主意
尤婉豈與咄咄流書空默懷斷懷斷勿復陳得失甯更論
人生若朝露所志規干春窮當樂泉石達不苟一身與子
昔南還覽轡黃河潯慨焉語澄清意氣卓不羣豈圖事述
適奄忽及茲辰北風吹霰雪彌天有層雲向夕起長謠臨
篇屢逡巡逡巡將語誰念子行當歸羈鳥戀匹儔代馬失
羣悲眷此平生親風義久不虧別長苦會短惘然惜流暉
時無白駒詩焉得紲與維耿耿寫衷曲去日難更追諒非

兒女仁但傷形影違憂來其無端淚下不可揮

秋感八首

錄六

昔杜子美作秋興李獻吉賦秋懷天地中聲後先
千古而撫時感事情見乎詞蓋君國之念身世之
悲有不能已者非漫然作也

百熙

秋氣之愁鬱伊

善感忘其謫薄輒用長句爲秋感八章

露冷花田葉未凋秋清瘴海碧迢迢山川潄洗蒼龍雨城
郭涼生白馬潮天外芙蓉雙闕迴湘南蘅芷一身遙茫
茫眼底愁何限夢繞珠江夜不銷

未信東南物力微連雲番舶駛如飛農商交病民生索盜
賊公行吏事非肉食一官雙鬢冷日營四海寸心違皇華
忝賦詩人句楊柳依依雪不霏

粵中無雪故云

承明侍從珮春容。簪筆朝朝傍九重。嶺表一持星使節，
天涯孤憶景陽鐘。頗聞宰相稱三旨，忍使朝廷有四凶。
喜見垂簾堯舜日，八方歌舞頌時雍。

干戈玉帛中原事，斥澤山林上將謀。戰士莫矜私鬪勇，
驕兵須戢內訌憂。衣冠悲憤思投筆，帷幄功名在運籌。
親領六師威萬國，相公恩寵壓王侯。

唾壺擊碎酒杯傾，仰睇千秋俯八瀛。衛律未應爲漢患，
吐蕃終慮敗唐盟。劍干北斗雙龍氣，葉戰西風萬馬聲。
醉後狂歌吾老矣，百年猶健看昇平。

五十二翁霜雪姿，經霜歷雪到清時。教忠深負先臣訓，
補過難酬聖主知。數畝敝廬人外想，聯牀夜雨夢中思。
故山無恙堪招隱，會籊青雲餌紫芝。

延清字子澄蒙古廂白旗人同治甲戌進士由工部

郎中轉入詞曹現官翰林院侍講學士

戈壁行再用質文靖公間字韻

以下均錄奉使車臣汗部紀程詩

風雨侵晨寂不聞憂心幸免歎如焚
瞳矐初上瀛洲日鬣
鬣猶堆瀚海雲冷煖世情同莫測
陰晴天色尙難分
龍沙莽莽行人斷祇我孤征馬一羣

使者日支廩羊戲作

羔酒何須羨黨家穹廬日膳亦豪華
功名太濫如頭胃臭
味微羶膾齒牙博士胙餘何礙瘦
相公食料究嫌奢
菜園踏破休嘲我飲乳張蒼合並誇

戈壁道中作用文靖韻

百里郵程莫漫催龍堆恍接爛銀堆
難尋白水供駝飲唯

見黃沙撲馬來有色石如凝積雪無聲車似走輕雷 聖
明儻作籌邊計棄短還應錄不才

曉發穆哈里喀順

西去直通前後藏中橫八萬里流沙一莖不見生青草三

度會聞駐

翠華

謂聖祖會親征三次

黃水貫來觴可濫碧天盡

處幕無遮番經信屈終何補白馬獻歸始漢家

據綽緬譯云蒙古歲

有赴西獻制番佛者皆歸乞化孤行六年始達嶺番言三五年仍乞化歸來蒙王等之不亞括佛

當尼齊午尖用景星珂韻

此係第二十五台譯言牧羊相傳為蘇武牧羊處

安得嘉蔬一飽嘗鄒夫肉食但無羊

文靖公詩注有連日頗思蔬品管城子無

食肉相云云

廊清恒燧三邊靜縣亘龍沙萬里長欲就水源尋

洞穴難從陸海問津梁收艱當日來蘇武持節何曾有別

腸

雞鳴驛晚眺

風送歸鴉入遠村，炊煙四起近黃昏。
北來上谷山形峭，南下洋河水色渾。
唐代憫忠埋廢閣，遼家攬勝賸荒園。
雞鳴驛城東有上花園，下花園相傳皆蕭后植花卉所。康熙年間五次駐蹕下花園，見宣化縣志。
明朝路出沙城驛，重醉燒缸酒一樽。

重過昌平劉諫議祠作，仍用李文正詩韻

伏軾重經諫議祠，祠前高樹午陰移。
用爲霖雨時休負，望若雲霓早可知。
東道有人徒設饌，西涯何處更留詩。
寄聲擬爲明州告民力，而今弱似絲。

入都作二首，用前韻

流光迅若驅荏苒，悵歸途紀月維鶉。
火占星及烏帑帑同拏，迴車門巷望待漏。
闕廷趨五夜，征衣換腥羶滌酪酥。

萬里歸榆塞三春別華門還家聊志喜于役略酬恩我
自心盟水人休耳屬垣世承清白訓留以示兒孫

二十三日早赴 頤和園宮門請 安覆 命用天字韻

猶是榴紅艾綠天又來 仁壽殿門邊排雲東海升初日

禱雨西郊盼熟年時正求雨萬里歸來洵有幸 兩宮賜對獨

無緣甘霖早晚 宸心慰擬獻髯蘇志喜篇

昨以戈壁石數十枚贈徐花農前輩琪承撰七古四

十四韻見詒可感也爰依韻奉和

西行我未抵戈壁邱壑荒寒無可娛陀羅海察汗陀羅海在張家

口外第一臺站海一作蓋策車過卓犖石頭頑且粗大如虎形小鵝卵

礧礧落落遮道鋪連城之壁固無有燕石亂真多砒砒縱

有一二皺瘦透安能玲瓏如太湖但見高堆作鄂博蒙民

膜拜相和呼龍沙縣亘接瀚海隱現誰探驪領珠斑爛忽
覩石五色產自寶地知非誣歷歷媧天不能補雲霞爲質
霜雪膚填海精衛未銜去袖中攜來疑三壺又疑蕃漢古
戰地埋碧血花凝模糊東方珣玕不多覲得此美過醫無
閭麗質宜盛玉合子新硎可發金僕姑仙丹九轉色無定
髮鬅朱光雲碧腴漠陞閭澹久無色何意奇采生氈廬秀
靈鍾毓數千載發洩豈自元上都晨曦夜月並輝映宛如
玉樹交珊瑚西望和林不知處風蕭蕭兮露塗塗布金似
游古佛國聊卽招提參伊蒲孰聚爲徒與說法點頭恍惚
聞南無名疆利鎖愧拘束一例溷迹泥沙俱所幸俯拾一
無禁壓裝萬里歸輶車圯上老人惜未遇難從城下探陰
符羅列席前作供養欹畸形豈仇池殊祇恨我無點金術

空思煮石充行廚白石生去杳難覓振飢窮荒籌策紆唯
願四郊富水草牧人夢兆豐年魚今喜豐年玉出地縹紋
織理超琬璊笑我不廉等年少居然懷寶成貪夫醉眼摩
挐此增炫吟腸搜索誰覺枯京國歸來息塵鞅樂天知命
甘守株城北徐公有同好早年珥筆廊廟趨高文典冊有
制作流俗枵腹焉能摹鳳閣鸞臺等閒歷煙雲過眼成須
臾大隱一身寄朝市承歡繞膝羅家駒接葉亭中屢招飲
德星光聚環紫樞瓊瑤報之果何日以石抵玉溫溫如君
家蛟潭有珍玩英石韓鼎無不孚噫嘻四美具兮神力扶
盆池養花承玉趺賦詩相贈有光寵揮灑不肯煩鈔得盥
薇三復增長吁益我神智心胸舒何時更費一中酒邀我
來觀攜石圖

花老有蛟
潭攜石圖

王蘭昇字芷庭山東萊陽人同治甲戌翰林官編修

庚午

山東解元甲戌出於李文正之門文正稱許甚至
爵生前輩埒之尊人詩稿未刊由鄉廷鑒鈔寄

和嚴秋楂春草原韻

時客淮南

天涯又換隔年春極目郊原綠漸勻
南浦曾歌別離曲東風猶作宦遊人
六朝煙雨清明近二月溪橋客路新
此際縱無鄉國思芊綿相對亦酸辛

半分水色半山光回首西風亦斷腸
五夜微霜鳴蟋蟀一邨落葉卧牛羊
紅銷野火蘇芳夢青到荒墳掩翠妝
細雨絲絲春裊裊迢遙綠帶接天長

平蕪一帶碧如煙掩映迷離似往年
金勒初迴沽酒路綠鞋輕試踏青天
吳宮幽徑飛蝴蝶蜀國歸魂泣杜鵑
最是離人無意緒沈沈院落挂秋千

流水橫橋碧柳斜。可堪悵望路三叉。夕陽巷口無飛燕。暮雨邨中有落花。愁絕蕪城還作客。春深梁苑不歸家。故園風景多應好。綠滿窗前襯筍芽。

紅蓼

萬點胭脂豔欲流。枝枝葉葉不勝秋。采菱人去斜陽晚。幾個蜻蜓在上頭。

美人蕉

碧紗窗外正黃昏。深院無人靜掩門。月白風清猶自可。蕭蕭疎雨最銷魂。

中秋約友茗戰聽韓英山唱江東赴宴歌

大江東去浪淘盡。幾英雄。惟有忠貞氣。常留天地中。瓶笙響。瑤夜鐵板。激秋風。一曲歌初罷。團團月滿空。

夏震武字伯定浙江富陽人同治甲戌進士官工部主
事有靈峯存稿

城上乙亥

朔風秋急怒潮鳴獨立蒼茫江上城天地無情餘我在英
雄有志待誰成雲寒千里空鵬落草沒交隄倦馬行試上
戍樓憑一顧山河隱隱倍傷情

寄寶竹坡司業丁丑

天馬出神淵龍種本殊倫昔者屈原賢忠信不得君無忌
一見疑魏國遂入秦西河涕吳起南越奮終軍賈生何慷慨
流涕非爲身漢廷無中行五餌也彝人異哉桑維翰倡
議割燕雲江統抱孤憤婁敬策奇勳苟非魯連高誰恥爲
秦臣

中夜起歎息夢想騁良謀樂毅雪燕恥范蠡沼越讐安得
二子賢吾其與從遊信乎不恤緯而有宗周憂何爲竟使
我悲來不自由申胥終復楚萇宏難興周吾寧忍終古焉
能無涕流

京華

庚辰

京華風月已蹉跎屢進狂言免譴訶不是同朝無絳灌聖
恩更過漢文多

半載辭官計未違離思從此釋親闈西風殘雪征途裏自
有梅花送我歸

鳳凰

庚辰

南嶽有鳳凰文采恥自炫抗志儀聖明奮翼思回旋適遇
海風起哀音感時變一鳴動九洲高舉不再見去去雲霄

外豈肯隨雀燕

述學下篇 己丑

周孔不可作聖道久微茫三教踵學起代興亂東方貞觀
大秦寺傳教實濫觴野語雖荒誕未敢侮彼蒼利氏一朝
來邪說始披猖天靜地球動兩儀易其常修省爲多事彗
孛非災殃自恃測造能鑿空論陰陽六經皆瞽說相誇破
天荒天地收指掌水火出探囊盜竊造化巧橫行勢莫當
富貴從此出舉國趨若狂策足爭捷徑掉頭去康莊哀哉
世人愚我聞西學長實剽東來法變本加誇張况茲乃末
藝非道不爲良聖賢黜機巧實恐人類戕不聞輸墨智能
逾古帝皇彼彝實不仁以技恣陸梁自古天道微不外人
倫彰西學焉知天人倫已盡亡均權亂五教平等廢三綱

政刑自有本前王垂憲章恃人不恃器在德不在強人心
先化戎毋乃太不祥自顧名位微孤憤塞中腸閉戶良不
忍纓冠恐徒傷坐歎時事艱一宵三起牀淫巧破混沌毒
焰薰元黃腥羶徧九州何時覩三光自非王佐才誰致世
道昌我欲張聖幟何人誓先行我欲報國仇何人賦同裳
赤手障狂瀾孤身立大防此責終誰諉行歌徒激昂志大
竟何裨力小不自量取笑搢紳翁裹足仕宦場詭遇謝功
利苦節矢冰霜家國有天命治亂視行藏九死誓不變汚
俗冀一匡窮達殉斯道賢聖遙相望作詩告同志擲筆淚
浪浪

江有蘭字怡之安徽桐城人諸生官黟縣教諭有待園

詩草

同治初年李文忠治軍吳中以禮延入幕府飛書草檄文忠亟稱其才

偕余暉庭許子良游青山石屋寺

空林行踏葉聲乾趺坐峰頭一解顏
清楚響停過澗虎夕陽寒照隔江山
片雲愛此不歸去我輩從今常往還
世事百年只瞬息好留姓字在人間

歸家

羈危拚不返忽作故鄉人風雨寒侵戶
妻孥淚滿巾貧窮猶是我劫火過來身
異地盤山水燈前尙愴神

合肥李宮保復蘇城賦此以獻

東南幾載烽煙墨螳聚蜂屯誅未得我
公胸羅萬甲兵攬轡要令天下清樓船
橫海御風渡撻金伐鼓臨滬城旌旗

雲捲刀飛雪數道雄師驚霹靂半年已下廿餘城軍興以
來無此捷吳淞江水流滔滔舟師來去頻乘潮民言若非
公莅此那得安堵如今朝公操勝算仁無敵當此橫流能
拯溺東南倏忽回陽春雍容裘帶紆奇策憶昨江陰夜泊
舟欣看點兵如過籌殺賊纍纍高山邱公亦銀鞍金兜鍪
先時鏖戰崑山陬擒三千賊誅其尤將士鐵甲猶未脫公
又督兵趨蘇州城門四開不敢閉熊羆開道迎驂騶賊首
十人獲其九跪而受誅如在囚白日照空飛人頭屍填十
萬江不流十年衆憤今盡洩快哉此舉功無侔天生李晟
爲社稷川嶽鍾靈世罕匹九重倚畀如長城旄鉞公孤坐
專席豐功偉業服者衆鯁生况忝枌榆共行看畫像登紫
光摩崖爲勒中興頌

徐

灝字子遠廣東番禺人有靈洲詩錄六卷

固卿軍門紹楨

之尊人朱熹跋中稱先生之詩寢饋於浣花草堂而出入於青蓮眉山之間劉覽百家無所不學故所作高渾雄深天然秀逸近世詩家罕見有出其右者

送管才叔之登州

昨歲中丞開幕府聞君抱郝吟梁甫薦士誰同鮑叔賢
避人不共爰絲語每因草檄重微才愛誦新詩渾漫與無聊
興會幾人傳有情翰墨還相聚偶登山館對擎杯宴坐枕
榔聽揮塵芳華小院春融和美人如花唱迴波吳歛越艷
競宛轉公孫弟子誇渾脫君時箕踞自顧曲坐客欲強難
鬢歌酒酣拔劍忽起舞一笑正墜金叵羅平生歡會尋常
耳丈夫難得逢知己徵辟曾聞達九重

君以諸生遊幕嶺表浙江巡撫

曾公奏調從軍

壯遊且復行千里不參戎馬作軍謀徑上之罍觀

海市沙門島畔平田橫蓬萊閣裏懷仙子君從北海望南
溟水際蒼烟數點輕夜見斗牛芒角吐天邊猶有少微星

夜坐同蘭甫

不覺清譚久那知秋氣深牆間初墮月戶外已橫參容易
消長夜艱難得素心耦耕何日遂荷篠入山林蘭甫詩云
不知沮與
溺何日
共耕田

聞雁

落木當秋盡涼天到夜分不知何處雁吹下一重雲去住
渾無主哀鳴已失羣扁舟羈旅客棖觸那堪聞

漫興八首

海水飛騰擁會城越王臺榭已全傾故園花濺傷春淚去
國人懷隔世情拔幟三軍虛環甲折麾一夕罷譚兵大漁

日落風塵暗壯士空援桴鼓鳴

萬室流離出路衢倉皇奔走敢枝梧梁閒乳燕巢難穩城
上昏鴉尾畢逋南海衣冠空有氣北門管鑰竟誰辜橫溪
一棹容高卧夜雨深江長荻蘆

使相功成自執羣誤教匡坐待殊勳六壬元女言終驗五
夜青詞秘不聞鬼卒肯隨王內史匈奴眞縛李將軍悲來
應共冤魂語萬丈風濤盪海雲

羽觴高坐會羣仙轉眼山川景物遷鎮海樓頭朝戲馬呼
鑾道側夜唳鵲樊中馴服非前日榻畔酣眠近百年滄海
卽今成捷徑麻姑何必見桑田

遊俠誰家白鼻騮馮陵意氣自相誇彎弓追射赤鸚鵡貰
酒仍歌玉琵琶火發千門成瓦礫兵連九郡盡蟲沙金湯

已失天然險漫向荒原急暮笳

獵獵牙旗水上陳中流邏卒斷行人何須鐵鎖橫江路不
復樓船到海濱日落空城聞鼓角草深平野長荆榛白鷗
出沒沙邊慣可有漁郎來問津

炎方物候尙依依世會蹉跎歲月非黃雀乍喧禾未熟寒
蟬初咽荔成圍析津人去猜疑起漚瀆書來消息微戰士
還家徒種菜夕陽猶自曬征衣

海風一舸送輕帆開府當年氣不凡交趾威聲歸馬援吐
蕃高會劫渾城城頭曉日懸青瑣天上紅雲闕玉函世事
十年多反覆書生垂老溼青衫

游智開字子岱湖南新化人官至廣東布政使有藏園

詩鈔

朝鮮使臣卞元圭字吉雲與結文字交歸國時索詩稿去次年致函云因求觀者衆已爲作序

付川雞林佳話可云再見傅子純太守序云子岱之詩多闕地方利病弗爲流連光景之辭

葬馬三首

駿骨那堪巨壑填尙餘奇氣軼幽燕九方賞識甯多誤干里心期忍不前儻遇將軍橫突陣卽驂郎署早朝天顧余碌碌無長策老爾雄才一擲鞭

循行騶從本無多此後星言可奈何攬轡豈曾乖駕馭征途畢竟苦消磨雲橫險塞朝登坂風捲驚沙晚渡河蹀躞雙蹏親歷處幾回悵觸足悲歌

官閣臨渠坐晚涼蕭疏槐影閒垂楊舊交太息看懸鐙老僕無言理故韁細雨又添芳草色新泥空點落花香虬姿

忍聽隨灰劫好倩丹青絹素藏

雙劍行奉答朝鮮國王

有引

朝鮮雅尙文學強鄰逼處智開屢遺書其國相言
宜大修政教謀所以自強而合肥李太傅復勸其
與泰西各國通商朝鮮廷議未決光緒六年冬國
王命其臣卞元圭寄書智閱并惠經籍藥物因鑄
劍報之兼綴以詩

齋宿求良冶候靈鑄精鐵雙雙寶匣間忽覩明星列摩挲
重裝飾綴以黃金屑憑藉使君賢進獻陳言說干莫光燭
霄匪但蛟可截連朝淬礪之一揮敵氛滅坐撫滄海東顧
盼雄且傑要之自強術利器用尤別柄操掌握中時局默
參閱廷議多異同羣疑苦紛結維王秉神武從違立斷決

狡如倭與俄聞風默心折斯劍由神授安用相彼薛持此
頌明王累葉昭光烈大哉宋玉言倚天信橫絕

入蜀三首

清秋迢遞入西川極目蠶叢遠接天水自分流銀漢外山
真秀到縣門前久傳荒徼烽銷盡卻憶長安日近懸去去
好憑腰腳健王尊曾此著征鞭

啼猿飛墜鳥飛回青嶂憑誰手擘開到此人多增浩歎掉
頭我亦重遲迴雷聲俯耳澗中落雲氣滿身天半來上極
蒼冥下絕壑最難名利容危哉

烏帽青鞵大布衣筍輿日日趁晴暉宦遊自覺情懷澹老
去空慚鬢髮稀每遇險途彌穩步偶逢奇賞輒忘饑他年
記取來時路依舊囊琴載鶴歸

九月九日成都閱武 光緒十二年丙戌秋

蜀山萬疊天青蒼角鷹掠地低復昂城頭俯看東較場旌
旗獵獵爭飛揚碁列八陣隨圓方一闔一闔兩翼張一前
一卻如堵牆不雲而雷擊昆陽風馳雨驟勢莫當默如靜
女閨中藏羣驚威令嚴秋霜日終大犒傾壺漿歡聲動地
歌同裳嗟嗟男兒攝封疆橫覽益部籌富強將才昔推岳
與楊勁旅不讓淮與湘八十二營沿邊防須勤訓練成忠
良駱公曩歲總戎行黔滇秦楚烽相望師有紀律軍有糧
寇無遺種民無殃只今藏議遏通商 朝廷加意甯西羌
海軍兼設南北洋但願中外臻安康年年醉賞菊花黃

郭

翊字大風山東濟南人有大風樓詩鈔

與武進高宅賜麗中

管才叔晏封邱何天根家琪
爲同志多互相唱和之作

白髮燕將行

白髮燕將氣凌厲鳶肩兀兀雙顴撐前年得罪輸城旦濟
南賣餅敲銅鐺得錢十日九日醉向人不肯通姓名我揖
入座訊行跡秋風涕淚浪浪傾爲言冀北將家子世充黑
騎 皇帝京少讀孫吳不能成白棒皚皚刀鋒錚平明角
技常空市一譁翻海萬目瞪 先皇御極之初年大河不
守搖幽并蕃王入援提鐵騎殿前檢盡飲飛兵擐甲入籍
腰劍鏗竹帛志大貂璫輕仰天直欲揮櫓槍明年清河之
水澄且清良家十部歸春耕短襖落拓長安市道側攤飯
腹膨脝小兒挪揄呼老儻太倉糜粟真鼯鼯猶記金擲夜

巡邏飛空瓦礫人無聲燈滅雲黑兀雙臂草間伏冠皆蛇
行喜負賊尸詣廷尉文吏刀筆殊硜硜無端疑獄成反坐
可憐遲暮悲髡黥我聞此語感喟生天下用武壯士得罪
去禁中頗牧空撫膺但願奇才如君常不用萬言策士策
太平浩蕩天涯一杯酒君當醉死平陵城

南國

南國新傳幕府開聯名百椽盡清才元知六詔多珠象自
是中州易草萊陵樹前朝飛火盡荒城秋氣大江來諸公
留意酬當世東海狂夫志未灰

登臨清州城樓

慷慨登臨一嘯孤蒼然寒食見平蕪大河落日千艘下歸
雨摩天萬馬趨白髮老民疑故里雜花祠廟舞靈巫不知

兵火十年後埋盡當時戰骨無

贈管敬伯司馬

一薦明時動佩環
漢庭故老羨芳顏
琵琶豔曲從戎樂
雨雪荒屯走馬還
太華峰頭豪酌酒
將軍座上紀平蠻
二千石吏今拋得看
盡黃河萬里山

授詩圖歌爲天根作

江海不復好奇字
黃縣公子窮著書
老樹庭下勁寒日
門前蕭索無停車
丈夫意氣拓八極
崑崙元圃如邱墟
雲中拍手衆仙下
天風琅琅鳴佩琚
瓊笈綠簡初讀徹
峰頭玉女頻長吁
回首下界驚蠅蚋
名號不倍眞凡愚
蘭陵女子野中秀
忽來牀下雙斂裾
如謂吾道應崛起
廓清鼠竊誅荒蕪
吁嗟乎女子知學詩
其餘低徊此意凌蒼虛

吳興公子太翩翩好事多情亦可憐
京國搜羅耆舊傳文章刊定永嘉年
中原離亂猶餘悸吾道蕭條莫浪傳
大有畸人江海外短衣走賦五噫篇

張文虎字孟彪號嘯山江蘇華亭人諸生有舒菽室詩

存七卷

掌教南菁書院多所成就

呈儀徵相國

四首錄一

通儒名世兩兼難鉅集煌煌幾續刊手訂尙將新稿易人間久作古書看傳經四世天倫樂歷仕三朝政績安遠

溯文貞近文正

安溪大興兩相國

他年青史庶齊觀

胥江

胥江帶水接嘉禾四月腥風卷蜃波吳地山川思遜抗中朝人物見王何夜郎遂啟焦僥國壯士誰收曳落河一樣東南唇齒倚流離蒿日不成歌

王何句借晉事以指彼時疆吏

帥鄭識

同治元年新正有紀

晴開八表物同春此日中朝氣象新四罪早聞明四目重

華更見月重輪 恩施狐兔寬 天網威憚蛟蛇懾海濱
松郡連獲大勝臘尾况深三尺雪豐年無待祀蝗神

雜記 四首錄一

丘墟北門外冢墓何峨嶸轉瞬二十年蜃氣成樓臺閭閻
左右列馳道中央開市肆集五方奇巧無不該卷髮碧兩
瞳黃須繞其顙白布縫作巾袴褶縛韎韐持杖走扶人側
目不敢哈亦有紅罽衣面色如煤炭像真如達摩云自佛
國來朝出西郭門年奪雞羊回彼美嬋媛子輕紗映蛾眉
帖地拖長裙壓首紫花堆蹀躞遊廣場道路光徘徊鳩舌
言兜離窄袖衣短裁甘心變於夷獨非吾民哉華夷錯雜
處街衢背相推車驅馬且馳過處惟塵埃下有陳死人白
骨同飛灰

許之珽字介珊廣東番禺人舉人有介珊詩草

講學潮州多所

成就門人陳子丹孝廉步墀刊其遺稿列入四先生詩四先生曰陳廷光字晦州陳士鑛字璞亭陳多

緣字種玉均饒平人爲子丹之同宗而介珊爲之殿焉

縱筆

閱世偏多感誰能辨渭涇寧爲山下醉不作屈原醒

下第南還香輪農部餞別卽席有作

京國風塵素化緇離筵且醉酒盈卮一鳴漫比齊廷鳥三
黜真如魯士師芳草有情蘇舊燒杏花無賴促歸思故人
預訂重來日慙愧文章筆禿時

示誠兒

總角趨庭日依依瞬十年授詩明瑟側論史溯談遷大雅
雖云逝斯文自習傳汝家無長物一硯已磨穿

休厭童蒙瀆臯比忝作師讀書宜識字考古貴存疑下榻
安徐穉知音仗子期青鐙良夜伴曾否憶兒時

方飯亭懷古

亭在海豐縣城外五坡嶺文丞相兵敗駐此方飯
而元兵至遂挾之北行後人建亭卽以爲名

蝦蟆更促天水危有人首舉勤王旗空坑戰敗兵盡潰雖
有殘卒徒飢疲桓桓丞相志愈奮誓死報國甘如飴振臂
一呼餓者起忠義凜凜途人知石坡嶺前且炊爨戎機借
箸容籌之敵人奄至勢不敵南冠忍見囚鍾儀道途絕粒
亦不死廷論慷慨無撓詞黃冠故里詭脫耳義旅再集天
南陲趙家血食忽不祀侏儒飽死何能爲衣帶留題臣事
畢丹心一片名長垂此亭千古名不朽食人祿者其當師

狄學耕字曼農江蘇溧陽人官江西知縣有種石軒
餘草 楚青部郎葆賢之尊人

舟過揚城將至瓜步

綠楊城郭舊繁華
螢苑雷塘落照斜
衰草廢營嘶病馬
荒煙故塚集啼鴉
舊時月色迷燈舫
此夕潮聲咽戍笳
廿四橋邊歌吹歇
祇應開遍野棠花

初夏阻風東流江岸

石尤阻我片帆開
沙嶼維舟浪作堆
不信文章憎薄命
劇憐湖海老奇才
過江孤塔淩風去
隔岸羣山送雨來
幽夢未排離夢遠
荒城清角數聲哀

題彭甘亭先生自書詩冊後 丙寅十月

白雪陽春調本高
名山事業託吟毫
玉堂金馬皆塵土
地

下劉黃笑爾曹

席帽頻年北與南西風衰髻我何堪愧無月窟天心語彌勒東坡共一龕

題兩當軒詩集後

詩筆如君絕點埃孫洪袁趙亦交推信陽天去青邱戮造物緣知慣忌才

謫仙風調許追攀僞體陳言一例刪若向詩壇論格律元遺山後屈翁山

吳山道中口占

嘗耽釋氏空生滅更愛蒙莊論物齊喪我原知同塞馬徇人聊復作犧雞久拚簪紱爲羈縻漫說絃歌換鼓鼙雨事祇今難遣得尙餘何肉與周妻

上元日偶閱京抄有作

當年席帽渡桑乾風雪蕭蕭骨相寒嘗共荆高悲擊筑羞
隨沈宋覓彈冠卽今四海消兵甲誰向三邊策治安曲突
徙薪應不忘莫教史筆誚堂餐

懷人絕句五首

白下騷人王雨嵐雄詞麗句滿江南閒將詩筆圖山水黃

鶴丹邱妙諦參

金陵王章號雨嵐

流傳一卷水雲詞能把姜張正脈持不負鹿潭搜句苦至

今人誦杜分司

杜小舫方伯爲揚州分司時爲江陰蔣春霖鹿潭刻水雲樓詞行世

惠麓詩人錢諒父心香一瓣在虞山滬城雜感詩箋寄伴

體知從亂後刪

戊午識錢揆初中翰于京師圓通觀亂後重晤于雒皋最喜初有學集時存篋笥揆

初名

YORK UNIVERSITY

MAY 15 2001

EAST ASIAN STUDIES

燕市荆高跡已陳彭郎風調本天真一麾閩海聲華重何
日歸來話酒樽寧都彭鏊號和庵現爲福州太守聞有風疾
東粵詩人馮老良覺園招我共飛觴十年舊事從頭說落
月應憐照屋梁

庭中白杜鵑盛開率成二絕

辛未三月

望帝春深竟未歸爲誰消瘦淡丰姿想緣血淚都啼盡洗
出空山玉樹枝

和煙和雨黯蒼苔瀟灑臨風獨自開一種幽懷誰說與子
規啼向月中來

